

3 Jon

Aan Yeya

¹Aya, sios nē mudur ado, turau oboiyou Gaius, aya ī nigin momoi anī bun, wau laa fedig, ī bun pas enei atotof.

²Turau oboiyou, ogon malākanon biya ibodok gen, ō boū biya ibod ken, erab erab ganān ō nigin biya ilauf nigin, aya kosē auf. ³Turau tar tunī disi fen, ō momoi anī biya bagai dō wo fen, momoi anī bun toku uyōdig anī dirokana di, aya fatuk bagai wau al fen. ⁴Aya gereu tar momoi anī bun diyōdig kariya anim, wau al fiya erab erab ganān wal fiya anī ifanadig.

Negur Nē Kabī Tamo Kulatun Fediya

⁵Turau oboiyou, ō, turada tar idi, ō bun yaū tamo anidi nigin el wo, biya ago wedidig. ⁶Idi ogon waū laa fiya nigin sios dirokenēdin. Ō idi tobonunā Negur orof kilei sur wediyouf are, ō biya ago wouf. ⁷Idi Odug yana nigin, haiden bun tamal isennēya taka to dale fen, dilen. ⁸Anī nigin, ada, momoi anī nigin weim kabī talouf nigin, tamo age fediya tasennēdiyof bagai.

⁹Aya sios bun pas atoton, anī ere, Diotrefes uyulil ibodōya nigin wau laa fedig, ī nemā od to karī yedig. ¹⁰Anī nigin, aya asiyouf sain bun, aya ī erab age fef, amā nigin dumen od sane bagai irōdig anī yaor afouf. Anī dogol sā, ī turada tar yalediya nigin itoron. Ī idi turada tar yaleya nigin orodif anidig katū feid fen, idi sios bun tamal yalelnēdin.

¹¹Turau oboiyou, erab sane anī to madē wo, erab biya anī madē wouf. Aib taka erab biya age fef, ī Negur bun tamal. Aib taka erab sane age fef, ī Negur to ilen. ¹²Demetrius ī nigin, ganān biya wogō dedig, momoi anī ī yogog age fedig. Amāg ī nigin biya wogō maudig, age mafe di, ā keleī, nemā wogō are momoi.

Idikeleya Nē Aanya

¹³Aya ō bun itotoya nigin musei ado, anī ere, aya pepa ado ink nem itotoya nigin to orouf. ¹⁴Aya kaisā ileyōya nigin wau irok, age afe fen, abob nawa tail fen, wogō tauf.

¹⁵Wau inosiya ō bun ibodōf. Turada tar ein, nedi aanya sur difef. Turada tar an mugu mugu yeneid nem aan wediyouf.